

乾

隆

鄞

縣

志

鄞縣志卷十一

名宦

自馬班二史立循吏之目而諸史因之史例謹嚴代不數人志乘則采擇稍寬矣周人之恩召伯猶愛其棠漢時令長之賢者或祀於里社顧黃霸爲宰相聲名減於治郡王介甫令鄞行青苗歛貸之法而民謳思之及宰天下推行其法而宋遂以病迄今過經綸之閣論者有遺憾焉宣尼欲速見小利之戒有旨哉要其爲惠於一方則不可沒也

唐

王君照貞觀十年任鄧縣令修建小江湖溉田八百頃寶慶

齊澣字洗心定州義豐人開元二十六年爲江南東道採訪使先是武德中廢鄧州爲鄧縣隸越州澣始奏請復爲州以境有四明山故號明州後爲潤州刺史招集流民五百戶徙於明以安輯之寶慶志

案舊唐書澣於二十五年遷潤州刺史充江南東道採訪處置使越州在江南東道部內故分州之議出於澣招集流民徙州安輯本一時事舊志云後爲潤州刺史蓋不知採訪使卽治潤州而誤分爲兩任也

陸南金吳人天寶二年鄧令縣東二十五里有西湖南金

開廣之溉田五百頃

唐書地理志

儲仙舟大歷八年縣令縣西廣德湖舊名瞿胆湖仙舟修治之而更其名

乾道圖經

裴徽河東人大歷中刺明州適寇攘之餘悉心撫字一年而逋播以復田疇闢里塾興其賞人也不用財其罰人也不假威吏束手奉法無敢干紀王密爲撰紀德碑

嘉靖志

王密大歷中刺史有惠政李舟撰去思碑顏真卿書

嘉靖志

吳謙字德裕大歷間刺史有善政郡民歃血而祀之

延祐志

王沐貞元四年刺郡修廢舉墜政治一新嘗捐俸立夫子廟落成之日民不告勞

成化志

任侗貞元九年刺史城西廣德湖溉田四百頃侗因故迹

增修之

唐書地理志

韓察京兆人長慶元年刺史易縣治爲州治撤舊城更築新城功大而民不知役韓杼材爲文記之

嘉靖志

應彪長慶三年刺史建浮橋跨江五十五丈

延祐志

案應氏家乘云彪字德彰汝南人

王元暉琅邪人太和七年以朝議郎行鄆令築它山堰浚小江湖灌溉甚博民德之

乾道圖經

案唐書地理志縣南二里有小江湖開元中令王元暉置民立祠祀之而蘇爲撰廟碑則云太和中王侯元暉寶慶志及魏峴它山水利備覽俱因之蓋卽一人而傳聞異詞耳

于季友太和六年刺史築仲夏堰溉田數千頃

唐書地
理志

宋

錢億字延世吳越王俶弟漢乾祐二年判明州宋建隆元年州升奉國軍卽授億節度使內和兵民外固封守市無二價道不拾遺浚廣德湖築塘周萬二千八百七十餘丈它山堰壞億跪禱於神增築完固乾道五年卒謚康獻民立祠祀之

成化
志

李夷庚天禧中以吏部員外郎直史館知州事市有花樓神州將初至皆謁奠夷庚獨不屑一日過市飄瓦中蓋左右曰此花樓神之靈也夷庚毀其祠精地理學以鎮明嶺爲府治案山增高數丈徙建州學文廟合於子城東北自

是賢才輩出浚東錢廣德二湖大興水利民立祠祀之

嘉靖

志

燕肅字穆之青州益都人舉進士由侍御史出知越州徙明州俗輕悍喜鬪肅下令獨罪先毆者于是鬪者爲息官至禮部侍郎致仕在明州爲海潮圖著海潮論二篇

宋史本傳

錢公輔字君倚常州武進人第進士甲科知明州衙前法以三等差次勞勤應格者聽指酒場以自補富者足欲而貧者日困充募益鮮額有不足致役鄉民破產不供費公輔取酒場官鬻之分輕重以給役者不復調民

宋史本傳

楊紘字望之建州浦城人知鄞縣鄞濱海惡少販魚鹽者羣居州島或掠商人財物入海吏不能禁紘設方略使識

者質惡少船及歸使給還所掠且戒諭之由是不敢爲盜

宋史本傳

王安石字介甫臨川人慶歷七年知鄞縣在任好讀書爲文章二日一治縣事起堤堰築陂塘興水陸之利貸穀於民立息以償嚴保伍之法後執政以其法推行天下海內騷然論者以爲奉行非人方域異宜而安石持之太堅也

嘉靖志

虞大寧熙寧八年知縣事卽北渡之南面風棚積石爲碶以却暴流納淡潮又於州之西隅距北津疏淀淤之舊增卑培薄以實故堤而作閘于其南拒所入鹹水以便往來之舟東西管數鄉之堰碶隨以繕葺者凡六所用工一萬

一千有奇漑田五百頃郡人舒亶記之

嘉靖志

狄蓮禮知鄞縣縣無訟築亭館延閩人章望之講學士子

頗歸之

黃氏日抄

曾鞏字子固建昌人熙寧中以度支員外郎守明州修州城程工賦材裁省十六其爲政務省民疾苦急姦強盜賊而寬弱貧每曰爲人害者不去則居人不寧素不附權貴然善防患終亦莫能中傷

嘉靖志

韓晉卿元祐初知明州時差役法復行諸道多失於處置獨晉卿視民所宜而不戾法旨

嘉靖志

傅堯俞字欽之濟源人元祐初知明州有惠政清直一節始終不渝

嘉靖志

陳瓘字瑩中南劍州人中甲科簽書越州判官守蔡州察其賢每事加禮而瓘測知其心術常欲遠之屢引疾求歸章不得上檄攝通判明州明州職田之入厚瓘不取盡棄於官以歸章惇入相瓘從衆道謁惇聞其名邀與同載詢當世之務瓘問公爲政將何先惇曰司馬光姦邪所當先辨瓘曰公誤矣果然將失天下之望

宋史本傳

仇悆字泰然益都人大觀三年進士爲沿海制置使明守與宰相厚善給言士卒將爲變致遣精兵密捕統官徐文覺之初謀縱軍剽略頃之泛海去呼曰我以仇公故不殺人不焚屋廬一城晏然猶坐削兩官久之改浙東宣撫使知明州以挫豪強獎善良爲理吏受賄雖一錢不貸姦猾

欽述州罹兵火忿斥廚錢助其費歲饑發宦儲損其直民無死徙進直學士爲湖南安撫使忿在明州嘗欲薦一幕官問曰君日費幾何對以日用二千忿驚曰吾爲郡守費不及此屬僚所費倍之安得不貪遂止宋史本傳

鄭耕老紹興間教授明州以興起斯文爲已任日進諸生講明聖賢大學之道文章簡古淡雅以韓歐爲則嘉靖志

林大中字和叔婺州永康人紹興進士以煥章閣待制知慶元府城南民田潮溢不可種大中捐公帑治石築之民不知役而蒙其利郡訛言夜有妖大中謂此必黠賊所爲立捕黥之人情遂安宋史本傳

傅伯成字景初察之孫少從朱熹學隆興進士授明州教

授以年少嫌以師自居日與諸生論質往復後多成才史
宋

本傳

張津乾道間以直秘閣知明州舉鄉飲酒禮歲以正月二
日卽州庠行釋菜之儀率僚佐與鄉士大夫及他方之流
寓者序齒會拜於講堂三爵而退惠光院有妖僧塑神像
納老烏腹中咒人以邀利津追僧至庭下具得姦狀遣吏
剖其像果有烏焉斷其僧而逐之境外民以安息嘗作四
明圖經實郡志所始也

嘉靖志

趙伯圭字禹錫孝宗同母兄也以敷文閣待制知明州兼
沿海制置使蕃商死境內遺費巨萬吏請沒入伯圭不可
戒其徒護喪及費以歸陞敷文閣直學士以憂去服闋再

知明州新學宮命宗子入學開以規矩詔徙戍定海兵於
許浦伯圭奏定海當控扼之衝不可撤備請摘制司軍以
實其地從之海寇猖獗伯圭遣人諭降其豪葛明又遣明
禽其黨倪德二人素號傑黠點伯圭悉撫而用之賊黨遂散
在郡十年政寬和浚湖陂均水利辯寃獄嘗獲鑄銅者不
忍寘諸法諭令易業民由是無再犯

宋史
木傳

•

魏王愷孝宗之子淳熙元年判明州轄屬邑田租以贍學
得兩岐麥圖以獻帝賜手詔曰汝勤課藝植農不游惰宜
獲瑞麥之應加荆南集慶軍節度使七年薨於明州愷治
郡有仁聲四明父老乞建祠立碑以紀遺愛

宋史
木傳

范成大字致能吳郡人淳熙六年魏王薨於明州起代之

成大奏張津伯圭魏王皆國之懿親時節貢物於兩宮臣外朝臣不敢效尤帝命停貢而罷進奉局又乞權閣魏王移用諸司錢數萬緡寬民力詔除之

周必大撰
神道碑

蘇玭字訓直泉州同安人通判明州在官二年歷兩守不苟合亦不爲崖異然有一媿事士民輒譁曰此出于蘇公也城東有造船場晃說之坐元符上疏錮不許親民來爲船官所著書及文章最多玭慨然爲築祠立碣致其師尊之意陳忠肅瓘嘗謫於明而豐清敏稷明人也言於郡立二公祠于學宮風厲學者會歲歎常平使者朱熹屬以一郡荒政客米自海道至者多請于熹請發積錢廣糴以爲後備熹聞於朝如其請官至吏部郎中晚學於熹盡門人

禮
涓南文集

程大昌紹熙初知明州值歲豐酒稅逾額有挾朝命請增稅者大昌力拒之曰某可去稅不可增也

嘉靖志

李韶字元善嘉定四年進士調慶元教授丞相史彌遠薦士充學職韶不與袁燮求學宮射圃益其居亦不與燮以此更敬韶以廉勤薦遷主管三省架閣文字

宋史本傳

程覃字會元嘉定六年爲提舉兩浙常平茶鹽權沿海制置司事以東錢湖它山堰灌溉甚博每患酒圮始置田租以所收歲給濬導者弱海錯果蓏之征以惠民

成化志

胡榘寶慶初知慶元府請得米一萬五千石以浚東錢湖命水軍番上迭休且募七鄉之食水利者助役又奏以贏

錢二萬八千三百四十七緡增置田畝以其入分漁戶人歲給六石隨菱葑之生則雍而絕其種民懷其惠寶慶五年命錄事參軍廬陵羅璿取四明圖經重訂之爲四明志

文獻賴以有徵

嘉靖志

孫子秀字元實越州餘姚人紹定進士通判慶元府主管浙東鹽事先是諸場鹽百袋附五袋名五釐鹽未幾提舉官以爲正數民困甚子秀奏蠲之

宋史本傳

劉黻字聲伯樂清人淳祐以集英殿修撰沿海制置使知慶元府事建濟民莊以濟士民之急資貢士春官之費備郡庠耆老緩急之需又請建慈湖書院召拜刑部侍郎

宋史

本傳

章大醇以大府卿知慶元府淳祐十年以淘湖濬河竣事特轉朝奉大夫後又以海道肅謐水利興修職事振舉除集賢殿修撰

嘉靖志

顏頤仲龍溪人淳祐五年以右文殿修撰知慶元府郡自桃花渡而東迄定海西市綿亘六十餘里故有河渠久湮塞不通灌漑失利民咸病之頤仲甫下車卽諭民間開濬民皆樂從爲費五十五萬七千緡有奇越三旬而工成民德之因名之曰顏公渠瀕海沙岸爲勢豪所據名爲納稅于官實網其利而有之頤仲爲申於相府先捐本府及制置使所入稅錢二萬二千餘緡勢家母得私占沿海民蒙

其利

李志

吳潛字毅夫宣州寧國人嘉定進士寶祐四年以觀文殿大學士判慶元府兼沿海制置大使加惠庠序篤意教養嘗出所輯孔孟格言及存悔齋箴徧惠來學凡學計不足支移那給有請必俞諸生感之肖像祠於石室他若修城堞置義船設烽堠興水利築塘堰立永豐倉開惠民藥局善政不可具紀在任三年尤究心水利於郡城平橋立水則刊平字于石視字之出沒爲啟閉至今民免墾溺之患

開慶
志

陳塏長樂人淳祐初以秘閣修撰知慶元府興學造士勤恤民隱尤盡心水利建迴沙閘民甚利焉嘉靖
志

姚希得字逢原潼川人以煥章閣待制知慶元府兼沿海

制置使詔增沿海舟師希得廣募水軍造戰船蓄糧食蠲

米一萬二千石舊逋一百萬去官庫餘羨悉以代民輸

宋史

本傳

葉夢鼎字鎮之寧海人以資政殿學士知慶元府兼沿海
制置使肅清海寇罪止首惡羨餘之費悉却不受建濟民
倉以備歲飢造驛舍以待賓旅咸淳三年召爲參知政事

宋史
本傳

魏新之字德夫桐廬人宋末教授以正學爲已任推明中
庸性道教與旨反覆詳盡初鄞士多宗金溪二陸之學聞
新之教翕然從之學錄劉光嘗撰孝經集解新之爲刊正
十一條皆關物則民義之大者光不覺下拜德祐二年元

兵入臨安游軍至鄞時學設兩教授號東西廳教授王槩
懼甚曰吾儕死生決於今日矣新之從容答曰非止今日
有生之初已定不若聽之顏色不少變

嘉靖志

潘芳溫州平陽人登寶祐進士調慶元市舶提舉元兵破
臨安慶元降附芳不屈赴水死

李志

元

伯行系出王呂伯里氏至元二十九年授慶元路治中慶
元多宋公相故家時翰林學士王應麟閉門不納客伯行
首尊禮開說俾學者師事之里胥躡蹠士族著片紙叱名
立召庭下伯行責吏數罪俾書故官吏復聚謀行榷酤法
壞富室釀具當益官利三倍伯行毀其牘不行歲大飢乘

驛詣行省言慶元瀕海地陘隘歲熟猶仰給它郡非官賑
給將移徙不便執政然其言爲發粟四萬石大德元年遷
浙東道廉訪副使復分治慶元縣有廢湖總戎官久據涖
爲田將輸官租以絕口伯行命立決以溉民田撫循瘡痍
磨刮驕冗歷官至資國院使

清容居士集

周仔肩字本道臨海人延祐七年任薊縣丞律已廉介科
役均平會申嚴役法豪右以他名數目占者母敢弗與仔
肩進父老宣德意立義役法時縣西林村民當受役者三
十五家仔肩視物力厚薄令各捐己橐得錢七千五百緡
爲子本推執事五人操其奇贏以供百役費而存其母復
推其中五人日詣縣聽徵令歲終更休於是橫徵者有所

畏民甚便之

嘉靖志

阮申之字周翰池陽人泰定元年爲鄞縣尹爲政廉簡有法興學校增弟子員定版籍均義役興水利禁約胥吏不入村落民便安之程端禮爲去思碑

至正續志

郭郁泰定二年總管明敏有材略正賦籍定役法措置食鹽綜理倉庫皆有法度修孔子廟納郡士於學徵逋租節浮費學廩不能容後除福建轉運使

至正續志

完者都蒙古人佩金符鎮慶元路剛斷有謀在職二十年營戍鎮靜島寇聞風懾服每祝曰小萬戶飛將軍願無再遇也臨政力行公道有司畏憚不敢毫髮厲民天歷中拜浙東宣慰司都元帥前職如故至正五年卒兵民相弔繪

像以祭

嘉靖
志

苦思丁至順二年總管飲冰食粟始終一節渠陂修築田無荒蕪嘗監商賦爲設方略會計悉當郡歲漕運米十數萬斛筦倉庾者或與漕戶不相謀紛然生事思丁出之如納咸服其便

至正
續志

王獻元統元年爲浙東宣慰副使廉慎寬厚崇尚儒雅被命錄囚多所平反董市舶司有清白名

至正
續志

案成化嘉靖志俱作王獻元誤

胡潤祖元統二年爲本路推官持己廉潔遇物寬簡蒞事詳慎治獄尤盡其職

至正
續志

王元恭字居敬真定人至元六年總管馭吏有威寬猛相

濟興學校作杏壇詠歸亭飾從祀像學廩不給徵逋租贍之舉鄉飲酒禮市地爲義冢絕火化之俗作石馬道于江次以便漕運

據朱文剛王侯去思碑

何槐孫字德孚蜀郡人至正二年任慶元路推官持身廉潔慎刑恤民其聽訟周詳委曲務得其情多所平反嘗著善治指南行世

嘉靖志

阿殷圖字嗣昌蒙古人至正九年總管下車首謁廟學葺殿廡儀像四方來學者至不能容舉鄉飲酒禮嚴憤農之戒峻遊食之禁抑豪強伸寡弱立歲輸教條民免桀黠之奪時海寇剽掠殷圖調財用完城郭率富民義廩以賂軍士發常平粟以惠貧乏治家尤嚴晨出必鑰其戶僮僕無

敢踰闕者

嘉靖志

案嘉靖志殷作殷今據石刻校正

許廣大字具瞻天台人進士至正九年知鄞縣平差役嚴程限有事不遺吏卒惟親署一帖俾相傳遞民視署緩急無不如約至者訴訟必親辨折吏莫能售其姦新先聖廟復甬東書院禮耆德獎後進士習一變十三年夏旱躬禱天井龍潭泣拜良久龍出一爪擎巖石上光耀閃爍下山未半雷雨大至廣大冒雨跣入城翼日四郊霑足民歌其

事成化

明

冷麟山東人洪武七年爲鄞令精敏廉慎一介不苟派辦

徵科務求民便天性仁恕不忍輕決時有被一笞一鞭者
衆必賤之時孔立知象山有惠政民以孔冷並稱

成化志

余文昇字子俊鎮江人洪武十一年明州府知府承前守
唐蔚嚴峻之後更以寬恕選用廉吏敦勸農桑嚴堂試興
水利咸有實效除積年苗糧革四明驛船之閒冗者以其
夫戶充別役每坊舊設巡警舖夫以防盜備火多以貧乏
者充不逮富者乃驗丁編排不分役作悉令直宿糧戶畸
零者舊并百十石爲一單文昇令五斗以上皆自入倉隨
到卽收躬親驗視民免包攬候伺之弊次年召爲工部尙

書成化志

李亨澤州人知鄞縣治事明敏人莫能欺民有茄初熟隣

人竊之鬻於市民追奪之兩訴於縣命傾茄於地笑指竊者曰汝真爲盜矣果爲汝茄肯於初熟時併摘小者乎遂服罪又二軍籠二鷺道逢民家鷺羣竊其二納籠中民來訴亨問飼以何物軍曰糠粃民曰草耳頃之鷺糞庭下糠草異驗二軍不能對其明斷多類此

成化志

王璡字器之日照人洪武時以賢能薦授寧波知府杜私謁革吏弊每夜四鼓升堂秉燭讀書聲聞於外或卽詣學課諸生諸生必三更赴學無敢後遇驟雨必躬請學巡倉視其漏濕處用蜃灰識而葺之盡毀諸淫祠或以殃譖爲戒璡曰如其有靈宜降割我躬不汝累也自奉儉約一日饌用魚肉璡大怒謂內子曰汝尙不識吾意更不憶食草

根時耶命左右撤而瘞之人稱埋糞太守時武職橫暴雖
痛抑之靖難兵起雖造船欲航海勤王軍衛以怨故縛詣
成祖釋之還鄉去任行李蕭然父老送臚堅却不受

據成嘉

靖二
志

梅應魁威遠人建文三年任寧波推官決獄善探情僞鄞
民邵觀奴妻陸氏潛匿娘家誣婿殺之訟於縣觀奴不勝
拷掠遂誣服獄上移應魁鞫之應魁並繫其母于獄一日
少女來省母引諸僻處給曰姊何不來若幼年誰引至者
女懼乃曰姊在某處令我私來探母消息耳亟捕陸氏而
罪其母觀奴之枉遂直

成化
志

張嵩上蔡人永樂元年知府事廉公有威不避勢要吏民

名宦

姦貪者收至庭下皆股栗弗獲幸免自是人知畏法詞訟簡息成化志

魏宗字本敬南平人永樂七年調寧波知府詢民情察利病相緩急而興革之先籍役額驗民丁稅之數以多寡貧富爲差榜示通衢民知定役里胥莫能售其奸嘗置檳座側訟至則納詞于其中以次推理一出已斷輕重不失成化志

鄭瑤字希玉侯官人宣德五年守郡興舉學校與諸生質難可否獎其良懲其不率凡公府列署及倉場橋梁碶堰之屬罔不飭治條減織染弓張二局及諸色歲辦物價均節賦力汰其浮羨鞠獄善探情僞片言立決以內艱去官

正統二年復任公餘手不釋卷禮下賢士有識治體者竭
延訪之明制方面官始奉勅行事郡守以下無降勅之例
宣宗振作吏治特簡廷臣知郡皆奉勅以行其體制與監
司等瑥其一也瑥在寧波嘗劾中官裴可烈不法罷去之

據嘉靖志及李林碩傳

胡敏字銳之定遠人宣德六年知縣事性剛才敏不撓權
勢時政中靡花石之綱鷹隼之使歲無虛日兼之衛所恣
行剽掠充斥城闈敏簡察非法平賦簡役積困始蘇室家
相保安於樹藝頌聲翕然李林碩傳

楊壽忻州人由監生知縣事勤於撫字以寬和待良善以
嚴厲制強暴作新土類徵科以時而歲無逋負考滿父老

遮畱不得脫其履懸信義坊柱以表去思志

成化

楊瑄字廷獻豐城人也景泰進士以副使分巡海道軍官
多放縱戍卒瑄立五日一操法復奏增督糧通判一員絕
勢豪包攬之弊凡城隍墩堠舸艦甲兵皆以時葺成化十
三年春有報倭船數百將犯定海者瑄時在杭僚采有懼
色瑄曰彼果來吾盡誅之耳尋至郡守令已呼民壯授甲
矣瑄以海上甲兵自足農事方殷亟散遣之閱數日乃知
倭兩船入貢者也人服其智量嘉靖志

張瓊字宗器孝感人由進士天順四年知府事劾奏市舶
少監福住假進奉名刻剝害民彼此互訐瓊以在官無私
得直人以是多其風力與學校表鄉賢修郡志建立甚多

嘉
靖
志

朱欽字懋恭邵武人成化五年以進士任推官潔白自持
精于讞獄嘗修它山堰浚沙港以興水利民甚德之以異
等擢監察御史

嘉
靖
志

張賑字洪濟祥符人進士成化七年知寧波府事加意學
校殿廡堂舍無不飭新購民居以闢衢道樹兩坊表于東西
以禱雨勞瘁卒賑性矯亢臨政不阿事有不可輒憤形于色人呼爲驥鼻張云

嘉
靖
志

姜昂字恒頫太倉人成化八年進士知寧波府在官日市
少肉供母而自食菜茹子弟學書不聽用官紙筆爲政悃
愞無華與民約信從事捕吏不入于鄉孜孜問民所疾苦

而興罷之每上官行部未嘗屈膝中官以市舶至怙勢張甚昂與之抗其人反媿服焉其子來省囊無長物以所積薪夫馬丁之餘資之以歸戒之曰勿謂此可妄用此亦賊也陞福建參政致仕鄞人朱瑄巡撫蘇州求一見不可得其風標介特皆此類

據明史本傳及嘉靖志

張佶字習之徐州人以進士爲鄞令敏達過人尤長政事鋤芟豪右善良賴以植立遷南京刑部主事

嘉靖志

伍符宇朝信江西安福人第進士宏治十一年知府事才猷敏給遇事立辦監生袁孟恪怙婦翁勢殺人貲累鉅萬人莫敢誰何符擒治得其奸遂置之辟又有楊姓者怙諸楊勢殺人無忌符督縣令親捕之斃於獄諸楊方貴盛符

不之顧也嘗以事謁方伯守門吏銜其無賂以計挫之未
幾陞本司參政吏懼而遁符使人呼之曰來則宥汝否且
捕其家吏返釋不治論者以方韓安國之待田甲云

據嘉
靖志

沈希達字時用長洲人宏治十一年任通判倭使入貢道
由寧波郡人利與交易得券卽以貨物與之已而貢還僞
券紛然莫辨鎮巡皆難之希達召倭衆諭以善惡徵應大
書人心天理萬里海面八字懸之倭氣懾吐實盡償其價

去嘉
靖

曾直字叔溫吉水人以進士知鄞縣廉直勤事獄無畱滯
先是里甲買辦費出無經直損其十七八一切賦役籍其
算目榜示村閭吏不得緣以爲姦博求邑中典故於東湖

水利究心尤悉增縣學鄉賢名宦二祠既而以憂去民有
曾直再來天有眼之謠

嘉靖志

丁袍字天袁豐城人爲鄞丞雪誤罹死獄者七人海運遭
風連及數十人頻年拘繫得其情爲申釋之邑丞自周仔
肩以後幾二百年僅一見此廉吏也

嘉靖志

張津字廣漢博羅人由進士正德六年知府事廉仁公直
遇事立辦市舶太監縱其左右怙勢不檢津悉以法繩之
不少貸日本貢使數至津裁以國憲經畫供億無絲毫累
民郡當大旱齋戒祈神屏車蓋曝赤日中步行六十里詣
天井龍湫禱焉比返雨隨車如注每監司至民相與稽額
乞畱賢太守擢僉都御史

嘉靖志

林富字守仁莆田人正德七年知寧波府廣德湖田科額繁重民不堪命儒士楊欽累奏湖田五畝定減額賦二萬八千餘石乞如花嶼湖全折例下所司輒格富至力主斯議卒得所請五隅之民爲立祠祀焉加意庠序于士類多所甄拔官至右都御史

嘉靖志
靖

翟唐字堯佐長垣人第進士正德中由御史遷知寧波府市舶中官崔瑤嘉靖志
作梁瑤藉貢物擾民爲唐所裁抑且杖其黨王臣臣尋病死瑤奏唐阻截貢獻笞殺貢使帝怒逮下詔獄巡按御史趙春等交章救之給事中范詢亦言唐被逮日軍民遮道涕泣請宥令還任帝不聽謫雲南嵩明知

州

明史附徐

寇天敘字子惇榆次人正德十二年任寧波知府爲政崇大體不屑細苛嘗書愛民如子視官如家二語於座隅遷應天府丞武宗南巡駐蹕畱都虎賁宿衛之士遍騷市肆官司不能制天敘習知寧郡多拳勇密遣人募取其絕短小者若干人分列道路遇衛士暴橫卽出其長衛士無不辟易由是斂迹不敢爲暴其幹略多如此

據嘉靖志李志

劉宗仁字容甫大名人嘉靖進士知鄞縣從政有體嚴而不苛聽訟明決片言不移人稱爲劉鐵尺間有以非意相干者未嘗忿懥然請謁終亦不入也召爲南京監察御史

嘉靖志

楊最字殿之射洪人嘉靖四年知寧波府不以家累自隨

止攜一敝篋與一蒼頭旦暮舉炊惟治蔬菽其廚釜可弗滌也衣布褐未嘗一御鮮好勤于聽斷案無畱牘請罷浙東貢幣詔悉以銀充民以爲便調黃州去父老擁道遮留不得畱其履屨則與襪盡穿孔皆相向大慟後陟太僕卿以諫死據明史本傳及嘉靖志

高第字公次綿州人嘉靖六年知府事政舉大綱尤加意庠序擇秀才異等時課肆之在郡一介不苟取陞雲南副使

嘉靖志

王臬字汝陳金壇人嘉靖九年知府事省爭訟簡追呼待僚屬謙而有禮故皆得殫其智力

李志

林繼賢莆田人嘉靖十年以同知署府事決獄大小皆得

其情人呼爲林青天在署祇一僕俸入外無私取

嘉靖志

柯相字元卿池州人嘉靖十一年知府事朔望視學進諸生問難可否而懲勸之又悉心水利浚東錢湖挑葑去淺民無旱煥之憂以剛直忤時調武易去

嘉靖志

曹誥字仲文黃岡人嘉靖十六年知府事洞悉閭閻困苦惟恐傷之質明坐堂上吏各抱文書次第呈上審視發行日午飯堂上止蔬素而已所論決必當于情不以豪孱有所軒輊故小民誦德而豪勢頗銜之

嘉靖志

沈繼美字子充四川保寧人爲吏科給事中以言事謫海鹽令遷知鄞縣略去邊幅與民簡易一切寃不得直役不得平者皆得至其庭面陳患苦悉與疏決居常布衣蔬食

燕坐恬然陞南吏部主事

嘉靖志

沈愷字舜臣華亭人嘉靖十九年知府事時奸民多鬪出與倭貿易武人倅功者請出師誅之愷上議謂愚民逐利與番船交易罪有定律要亦未應盡誅也自愷受事以來有犯者輒問死刑軍徒不下百數十人近亦稍輯矣今不問所從來概名爲賊遽欲兵之于義不協況海上船止六七遂興大衆非所以安民也今宜諭之禍福嚴守關隘使番人不得登岸奸販不得下海則令行而民不擾矣當事弗聽師潰而歸兵連不解後二十餘年郡人思其先見立祠祀之愷善詩文工行草今郡中尙多其遺蹟

李志

張德熹字崇儒福清人進士嘉靖二十四年任推官決獄

精敏而處以詳慎鄴有貿布於海濱者賊數人殺而擄之
德熹偵得賊並其貨置諸法豪族殺人沉諸河驗其實坐
之不以勢免獄中疫作驗囚非當死者縱之歸如期赴獄
無後者人以爲誠信所感云

李志

徐易字希文永豐人由進士知鄴縣初至吏胥瞰其少年
以一二隱事嘗之乃悉中肯綮遂相戒弗敢欺庭無畱牘
賦無逋輸值淳飢死徙載道請發帑以賑之又奏蠲常賦
之不能供者日本貢不俟期白於當道曰此奸人利互市
誘致之耳不却將爲亂卒却之已而倭患繹騷人服其先
見三年召爲刑科給事中

嘉靖志

王奎臨川人嘉靖丙申以選貢授鄴敎諭嘗曰鄴故文苑

藝圃奚假吾教爲惟欲與諸生敦本懋學希蹤古人耳士皆翕然向方有不率者引過自咎惓惓接引咸以模範歸

之嘉靖志

張鵬字子南東莞人由舉人任鄴訓導勤學博古時節饋遺俱辭不受諸生貧者力爲資助嘉靖志

侯國治字平裕南海人嘉靖三十五年任同知時倭寇蹂躪佐郡守造舟轉餉備極勞勦邑謝家巉有妖祠爲盜賊窟穴捕隸互相表裏民莫敢誰何國治捕置之法并毀其祠以秩滿遷去民立祠海會寺祀焉李志

陳紀字仲理甌寧人嘉靖三十七年知鄆縣時有倭警邑濱海爲幕府駐節地文武大吏往來如織紀先期潔廝舍

及他梵宇寺廟所需器用或假或市米鹽零雜手自區畫
不以煩民麻陽兵五百人至傳令犒師人各豚首一紀曰
城中封豕幾何而所需五百不聽軍士索枯魚紀以禁採
捕辭進以塗已復需馬五百匹紀曰鄆故澤國舟行無馬
且官籍額僅四十焉得五百乃以芒鞋進幕府叱曰若亦
知有尙方劍得以軍興從事乎紀曰民間實無匹馬寧甘
以頸受刃幕府終無如何先是兵至多投宿城中民舍且
責其饔飧又下令簽當戶運餉至軍所曰倭米戶紀交歡
軍帥得移營郊外糗糧皆折銀與之民皆安堵以治行擢

御史

李志

楊芳字以德巴縣人由進士知鄞縣賑助貧士不遺餘力

又廉得彰聖寺所侵學山萬三千餘畝仍歸之學歲徵其租徧給貧士又定制丞簿奉上檄須勾攝者日送縣用符事急者應時用符自是訟清而鄉不擾在任五年陞戶科

給事中

李志

蔡貴易字道生同安人萬歷十年知府事郡城東臨大江有浮梁以通往來梁之東西皆逼闔闔勢家多設廳以規市利道益隘行人多擠于水十一年大水壞舟梁溺死無算貴易爲文以祭之且曰濟川務造舟積聚宜闢地守臣寧獲罪巨室其敢安苟簡而不爲百姓計久長哉乃按圖籍盡毀其侵越者更新浮梁艤舟二十餘艘鐵繩聯絡人慶坦途後守張文奇字原正因其前緒而修之民亦翕然

頌德立祠江濱以合祀焉

李志

龍德孚字伯貞萬歷十四年任同知嘗攝郡篆值歲饑多方賑恤道無殣者

李志

吳安國字文仲長洲人萬歷二十一年知府事時朝議日本通貿互市道由寧波安國謂爲禍本具疏爭之又議開金塘安國以爲規小利忘遠患力言非計而止歲饑轉粟吳中以備餉舊制衛所協捕鹽盜法久弊生私販橫行而軍官多賈削軍資以自飽安國悉禁絕之軍民便焉

李志

翁憲祥字兆隆常熟人由進士知鄞縣邑西石塘碶與慈谿連界慈人旱則決澇則閉鄞受其害兩邑民訟于臺下郡邑會勘慈令持議甚堅憲祥辨析萬端詞氣慨直聞者

心折遂得具文報可賦役條項煩瑣胥役得售其姦憲祥
覈定一編名曰賦役全書刊行民間又立徵收便民之法
除軍衛影射之餉免諸生里役疏城渠壅淤汰民壯自役
皆可爲後式邑丞江輔廉吏性慤有目疾頗不得於上官
憲祥翼之俾得盡職薦陞舍山令其仗義不阿又如此任

七年召補給事中官至太常卿

李志

何士晉字武襄宜興人萬歷二十六年進士授寧波推官
郡中有董孝子祠奉母像偏隅祭則先子而後母士晉非
之乃出俸更置後寢以奉母置田學宮恤諸生之貧者郡
邑各鄉皆有漏澤園歲久多侵沒乃行文察核刊石表于
四境修東岡碑及前江橋利被三邑郡人肖像清瀾館祀

焉

李志

魏成忠字盡卿由餘干調繁鄧縣蒞事精勤修築水利無虛月歲旱竭誠祈雨甘霖立致尤盡力於東岡碶增爲十三洞躬挽石運磚以作衆氣節贏金貿田四十餘畝築室三間召僧主之以供守夫補敝之資禁婦女燒香逐桃花渡妓女立真武廟於其地以杜後來良績甚著

李志

吳文金字幼如景陵人萬歷三十三年知府事郡豪侵營地爲市肆而輸金於守號公用錢文企叱吏無進亟撤其屋時防倭水陸兵餉數十萬文企手算支給一無虛糜士皆感悅

浙江通志

柯景字季和莆田人以進士知鄧縣訪知徵收逋缺之弊

皆胥吏交通爲之乃給雙連印票典櫃與納戶中分之各執其一以杜影射虛填之病增置收糧籍爲三冊一備閱一給里一存房上下皆無可欺每春夏之交漁戶買鹽出洋納稅以充餉奸民攬稅自肥逋納至三四年累飭法立團長使饒者爲之令稽漁船之數以報輸皆如期軍餉以裕其恤海倉之運裁榷稅之額民尤德之官至巡撫都御

史李志

江秉謙字兆豫歙縣人由進士知鄞縣精敏有守編審舊分丁田二事秉謙於編里日卽審是里之丁其時里甲皆集不均者面質而平之蠹弊旣絕民無冗費又定由票式每號開載四至土名與魚鱗黃冊買契相符并填業主姓

名立簿用印給爲永業由是詭寄懸漏虛契佔踞之弊悉絕又嚴立保甲之法分團置柵團長編牌率甲戶以防守之盜賊屏跡禁訟牒不得牽累婦女婦女不得入僧寺後爲監察御史

李志

周家椿字世慕同安人進士萬歷三十九年任推官丰采英毅剖決如流嘗兼攝府鄆兩篆更日視事庶務咸理嚴保甲謹海防清水利積俸鏹置田郡學及鄆學以贍貧士

曹志

沈猶龍字人伯華亭人以進士知鄆縣倣古社倉之法以備災荒出陳易新以免紅腐之虞民沾實惠焉長春門外舊有泥塘逼城垣之下外遶江流斥鹵易入乃詢諸父老

甃堰以石遂爲鄞民永利至今稱爲沈公塘云東錢湖係七鄉水利湖中茭葑民嘗取以糞田至是爲縉紳專據往取者私征其稅故取葑者少而湖日淤復有投牒當路請官收其稅者猶龍力持不可且嚴禁私稅由是茭葑日去湖濱田不虞旱暵矣爲人精敏肅給卽吏事苟午而手判口酬几上從無剩牘性強記案牘一寓目久而不忘人偶以事至官經數載尙能道其姓名邑中咸驚以爲神焉後擢監察御史至兵部尙書

李志

方應明字晦伯光州人萬歷四十七年知府事愛士如子弟其所鑒別後無不應爲政善救時弊汰冗吏追還沿海各倉侵冒五千石有奇禁溺女及火葬稅司以舶稅缺額

權及土產力請免之上海防四議切中機宜郡大旱步禱萬山中龍湫夢白衣謝姓老人願盡力卽日雨如霆陞湖州兵備副使尋改寧紹道憲度振肅人咸稱之

浙江通志

張伯鯨字漸伯江都人由進士知鄞縣抵任謁城隍神誓云殃一無辜行一不義有一於此禽獸不啻以鄞俗奢靡躬行儉約民間祭賽燕飲毋得演劇元夕禁街市燈火僮僕不得服綾綺濬城中故渠出砂礫護長春塘尤重兩鄉水利瀦洩修築皆躬往督察嘗斷冤獄釋株連七十五人

李志

張廷賓字客卿餘姚人天啟甲子舉人爲縣學敎諭形貌清癯性甘淡泊時江南尚溺於承平廷賓獨慨然謂數十

年來人心喪失遂爲世道之禍今人人宜先復其本心然後可以挽回世道因作復人心說一篇榜之明倫堂一時笑以爲迂已而其言大驗遷爲楚令未之官卽慨然棄去入四明雪竇山中爲沙門結跏於妙峯之上年八十餘卒

李志

黃端伯字元恭建昌新城人由進士任寧波推官清介獨立執法不阿官署斷絕葷酒布衣疏食人呼爲黃道人遇生朝紳士舉屏爲壽端伯題數字于壁曰裝設則無地攜歸則費力譽望太隆則折福受施無報則負慙竟却不受福王立授儀制主事南都破殉難

李志

廖鵬舉字而上安谿人由舉人任同知治盜責重緝捕嚴

禁扳累聞寇警卽易服乘小舟出海與卒伍同偵探故所獲皆真盜在郡八載屢攝守令事所至興利除弊民呼爲廖外公郡守以稽餉激變兵士露刃大譁鵬舉一言諭之立解嘗出行見輿夫取民田中菜急揮手止之曰天理何

在升南昌知府

李志

王章字漢臣武進人崇禎元年進士三年由諸暨調鄞諸暨民攀轅臥轍鄞民負弩引桑采風者繪爲兩邑爭令圖章敏練有守和易近民凡編審收解水利諸務斟酌成法務合時宜判如流水胥役無敢欺者在任八年行取爲御史甲申三月賊陷京師章方巡城不屈而死鄞人思之祀王荆公重恩閣中

國朝賜謚節愍

據明史本傳及閩志

盧若騰字閑之同安人崇禎四年進士授寧紹海道僉事剔姦弊抑勢豪風裁凜然郡東郭江畔爲商賈輻輳地細民有益廠貿易者豪紳勒取其稅若騰禁絕之諸豪奴詐取民財捕至庭下重笞之一奴著綾袴若騰拍案揭裳示之曰我居官止一布袴若人奴乃侈暴至此加笞焉十六年胡乘龍盜起若騰與知府陸自獻虛懷容度旬日間渠魁授首閩井晏然

李志

林元字福愛莆田人進士崇禎八年謫寧波通判性廉介饋遺一無所受其子來省將取市肆一布元見之大怒取票裂之年七十卒于官同僚醵金歸其喪

曹志

林夢官字鳳玉龍谿人崇禎十年守寧波值歲旱步禱天
井龍湫至絕頂得一蛙行二三十里並無雨意夢官曰吾
所祈于龍者爲其能雨也不雨奚用此蛙爲吾將屠之左
右皆驚阻謂激龍怒且不測夢官曰倘致龍怒而雨我甘
以身殉爲文祝而斬之少頃雷電驟興遂得大雨

李志

陸自嶽字岱瞻武進人崇禎十五年知府事郡有巨猾充
役廉得其人收捕之賄勢豪冀免自嶽曰僕爲此方除害
公反欲貽患桑梓乎置之法有賊胡乘龍者倡亂雪竇僞
號天萌國改元宗貞冠日分犯城中自嶽捕其內應六人
誅之隨發兵直抵賊巢獲其巨魁餘勿問當急變時募得
廩羸民兵六百人或曰兵期壯勇奚用是爲自嶽曰此饑

饉餘生不急收之祇助寇耳其深識如此

浙江通志

國朝

董大翮字清怡江陰人以進士令鄞時進征金華有黃牛石匠之徵大翮預爲給直分派有方催科寬限撫字慈仁嘗自爲歌刊布以勸止山間之竊發禮賢下士風雅藹如

聞志

張幼學字詞臣泰州人舉人康熙初令鄞時軍興旁午應之裕如晨起視事耳聽目覽口答手裁迄無倦色緩催科勸樂輸值造戰船一以精心敏幹處之間閭不知有役治邑八載務爲寧靜從容就理兼工詩文善行草書臨行送者以綾箋乞詩爲援筆揮之人人喜悅而去

李志

汪廉字讓水長洲人順治中以恩貢授推官改鄞令機警有幹才時海氛未靖羽書旁午廉殫心籌畫支應不匱閭里安堵如故尤慎徵科不事鞭撻民樂輸將會湖塘潰決田廬被淹躬自駐宿工所念民力已竭請動帑修築議格不行憂憤激切遂自經於廟而卒士民咸哀恫之

曹志

邱業字厥修安陸人康熙十一年知寧波府郡當兵燹之餘兵困未舒業專以簡靜爲治與民休息城南百里大關山地連寧紹夙爲盜賊窟穴乙卯春渠魁龔萬里聚衆萬餘人據險出沒焚劫村落招之抗不受撫業議會勦以絕亂本乃率丁壯徒步躬擐甲冑并合諸戎帥兵分道夾攻直入其阻萬里駭出不意進退無所措請降上官有受其

屬者許之賊乃詣業自陳已降狀業厲聲曰汝無故倡亂
戕害我百姓萬死不足贖罪今迫而求降豈受汝欺耶立
命斬之郡民無不稱快

李志

李廷機瀋陽人官學生康熙十五年知寧波府以愛民爲
主嚴束胥役不敢爲奸杜絕苞苴一時謳頌載塗稱賢太

守

浙江通志

甘國璧遼東人廡生康熙四十一年擢守寧郡廉明善斷
遇疑獄必微行密訪廉得其實執法不阿人莫敢干以私
博徒聚黨誘富人子弟國璧取爲首者予之杖并書其閭
以辱之有良民爲盜所誣典史求取未逞欲加以罪國璧
釋民而糾罷其典史闔郡稱神明云

曹志

直隸志稿
卷之二
三三
楊懿字元徵蒲城人雍正四年知鄆縣爲政勤敏嘗曰不能爲百姓興利除害何以宰爲於是殫心釐剔士民一見後隔數年尙能舉其姓氏人咸異之文廟頽敗卽捐俸修之又請改胡公書院爲義學築城之役鳩工庀材咸與之平值無纖毫累民方築大嵩堤適城南長春塘圮觸暑督治病五日卒鄆人如喪慈父母焉曹志

林上梓溫州瑞安人由舉人授縣學敎諭與諸生講貫經史亹亹不倦經指授者多爲名士時郡志初成上梓摘其譌謬數事謂黃宗明附會大禮之議不當入儒林屠印姑卒於明萬曆朝不當編入

國朝論者以爲精審陞嘉定知縣去

行狀

李寶默山東德州人由雲和調鄞在任五載撫字有方建

育嬰堂置義田乳養衣食咸有節度催科簡易未嘗額外

多取鄰邑有疑獄委讉多得其情以卓異薦擢辰州府同

知公舉事實

汪起江南揚州人乾隆八年知寧波府清介不名一錢修

葺學校浚治水利咸實心經理到任數月卽以憂去遣使

回籍取白金八千餘兩以五千兩付育嬰堂生息以補經

費之不足其餘爲修學濬河之用郡人至今思之

公舉事實

宗紹羹湖北漢陽人由進士知鄞縣乾隆十二年夏旱設

壇禱雨誠意懇切尋獲甘霖決獄公平吏不得上下其手

操守清白敬禮儒生闔邑稱爲良吏陞嘉興府乍浦同知

公舉
事實

宋鑒山西安邑人進士由常山調鄆東鄉山水暴漲蛟從地中出壞民廬舍鑒親往按戶撫卹於常例之外復以己俸濟之又修築萬金土塘及甬東南北二塘令饑民赴工就食民賴其惠南關鄭郎堰爲商農舟楫所經鑒令改作石壩又修築棟木蕭臯二碑公私便之事父在詩甚孝迎養官署事必稟命聽斷稍未當父卽呼譙讓長跪請改乃已鑒爲政得民譽僉謂賢父之教云公舉
事實

鄆縣志卷十一終